



Broj: 01-85/23
Vareš, 30.03.2023. godine

Z A P I S N I K
*sa 23. sjednice Općinskog vijeća Vareš,
održane 28.02. 2023. godine*

Predsjedavajuća OV pozdravila je sve prisutne.

Predsjedavajuća OV Vareš je pozvala vijećnika Zakira Džafu, kojem je CIK-a dodijelila mandat da pristupi davanju svečane izjave. Predsjedavajuća OV Vareš je pristupila čitanju teksta **Svečane izjave**, a vijećnik Zakir Džafo je dao a nakon toga i potpisao **Svečanu izjavu**.

Vijećnik Zakir Džafo je potpisao i Izjavu o upoznavanju i prihvatanju Etičkog kodeksa u budućem radu.

Izvršena je prozivka vijećnika.

Prisutni vijećnici: Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović i Nikola Šimić.

Odsutni: Mirnes Ajanović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 23. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Ibrahim Spahić, rukovodilac JURA – gosp. Rusmir Berberović, sanitarna inspektorica – gosp. Velida Džafo i predstavnici medija.

Sekretar OV Leon Pavlović izvijestio je Vijeće da je na 22. sjednici OV održanoj 31.01.2023. godine donesen jedan (1) zaključak koji je i realizovan, podnesena je jedna (1) Inicijativa o pokretanju procedura za izmjene i dopune Poslovnika o radu OV, ista je prihvaćena. Postavljeno je osam (8) vijećničkih pitanja. Na sva pitanja Općinski načelnik je dao usmeni odgovor. Podnosiocu pitanja i svim ostalim vijećnicima dostavljen je pisani odgovor na pet (5) vijećničkih pitanja.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Vijećnik Dario Dodik u svom obraćanju upoznao je prisutne i javnost na odgovor koji je dobio na postavljeno pitanje u vezi potpisanih ugovora o rekonstrukciji mosta na pijaci i stepeništa.

(Vijećnička pitanja i Inicijative)

Amela Brkić

1. Moje pitanje se odnosi na konstantni trend odlaganja ambalaže na javnim površinama. Nekoliko građana me zamolilo da skrenem pažnju da se uradi nešto po tom pitanju. Ostavljanje gajbi, karambolki i drugih predmeta na javnim površinama koje zaista kvare sliku grada, vrlo je ružno, pogotovo kada se ovi predmeti nalaze na pijaci i preko puta bolnice, ako može to da se riješi. (dato je pojašnjenje)

Šaban Ibrišimović

2. Koliko i koje projekte je kandidovala Općina Vareš tj. Jedinica za upravljanje lokalnim razvojem tzv. „JURA“ prema Programu javnih investicija (PJI), ZDK-a u posljednje tri godine i to za 2019/20 i 2021.? (dato je pojašnjenje)

Sahudina Beganović

3. Kada se može očekivati sanacija ulice Put mira ? Pitanje postavljam nadležnoj Službi. (dato je pojašnjenje)

Nurdin Begović

4. Postoji li mogućnost postavljanja saobraćajnog znaka pri skretanju na bazen u ulici Put mira a koji bi signalizirao koja je to dozvoljena težina vozila tj. njihovog tereta koja se kreću tim putem?
Pitanje upućeno Službi za prostorno uređenje.
5. Postoji li mogućnost da Općina Vareš sufinansira nabavku materijala potrebnog za rješavanje problema krova na zgradi S-32 i zgradi koja se nalazi kod Policijske stanice Vareš ukoliko stanari, etažni vlasnici spomenutih zgrada pristali da učestvuju sa 30% svojih sredstava?
Pitanje upućeno Općinskom načelniku.

Predsjedavajuća OV stavila je na raspravu Zapisnik sa 22. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 22. sjednice OV i nakon izjašnjavanja vijećnika konstatuje da je **jednoglasno sa 17 glasova „ZA“ usvojen Zapisnik sa 22. sjednice OV.**

Predsjedavajuća OV stavila je na raspravu prijedlog dnevnog reda 23. sjednice OV koji je usuglašen na Kolegiju Općinskog vijeća.

Nije bilo učesnika i predsjedavajuća OV stavila je na izjašnjavanje prijedlog dnevnog reda 23. sjednice OV i nakon izjašnjavanja vijećnika konstatuje da **je jednoglasno sa 17 glasova „ZA“ usvojen sljedeći**

Dnevni red

1. Prijedlog Odluke o osnivanju Poslovne zone „Prnjavor“.
Izvjestilac: Ermin Musa.
2. Prijedlog Odluke o osnivanju Poslovne zone „Šijakovo“.
Izvjestilac: Ermin Musa.
3. Prijedlog Odluke o povjeravanju na upravljanje i raspolaganjem nišama za kontejnere JKP d.o.o. Vareš.
Izvjestilac: Ermin Musa.
4. Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta priključnog 35 kV kabla u korist JP“Elektroprivreda BiH“ d.d. Sarajevo, Podružnica „Elektro distribucija“ Zenica.
Izvjestilac: Ermin Musa.
5. Prijedlog Odluke o imenovanju povremenog radnog tijela (Komisije) Općinskog vijeća Vareš.
Izvjestilac: Sekretar OV.
6. Prijedlog Rješenja o razrješenju vršioca dužnosti predsjednika i članova Skupštine
a)Javnog preduzeća „Vareš-stan“ d.o.o Vareš
b)Javnog preduzeća „Veterinarska stanica“ d.o.o. Vareš
Izvjestilac: Sekretar OV.
7. Prijedlog Rješenja o imenovanju vršioca dužnosti predsjednika i članova Skupštine
a)Javnog preduzeća „Vareš-stan“ d.o.o Vareš
b)Javnog preduzeća „Veterinarska stanica“ d.o.o. Vareš
Izvjestilac: Sekretar OV.
8. Izvještaj o realizaciji Odluke općinskog fonda za vatrogastvo u 2022. godini.
Izvjestilac: Ibrahim Spahić.
9. Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2023. godini.
Izvjestilac: Ibrahim Spahić.
10. Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.
Izvjestilac: Ibrahim Spahić.
11. Informacija o epidemiološkom stanju i podacima pandemije COVID-19 na području općine Vareš u periodu od 01.01.-31.12.2022. godine.
Izvjestilac: Velida Džafo.

12. Informacija o provođenju godišnjeg i srednjoročnog plana potencijalnih projekata po modelu javno-privatnog partnerstva na području općine Vareš za 2022. godinu.
Izvjestilac: Rusmir Berberović.

13. Tekuća pitanja.

Ad. 1.

(Prijedlog Odluke o osnivanju Poslovne zone „Prnjavor“.)

Komisija za statutarna pitanja i propise na 19. sjednici održanoj 23.02.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o osnivanju Poslovne zone „Prnjavor“ i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o osnivanju Poslovne zone „Prnjavor“.

Nakon izjašnjavanja vijećnika predsjedavajuća OV konstatuje da je **jednoglasno sa 16 glasova „ZA“** (odsutan vijećnik Mario Mirčić) **usvojena**

Odluka o osnivanju Poslovne zone „Prnjavor“.

Ad. 2.

(Prijedlog Odluke o osnivanju Poslovne zone „Šijakovo“.)

Komisija za statutarna pitanja i propise na 19. sjednici održanoj 23.02.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o osnivanju Poslovne zone „Šijakovo“ s tim da se izvrši tehnička ispravka u članu 1. i članu 4. - riječ „Prnjavor“ zamjenjuje se riječju „Šijakovo“ i u Obrazloženju riječ „Kram“ zamjenjuje se riječju „Šijakovo“. Prijedlog Odluke upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o osnivanju Poslovne zone „Šijakovo“.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

Odluka o osnivanju Poslovne zone „Šijakovo“.

Ad. 3.

(Prijedlog Odluke o povjeravanju na upravljanje i raspolaganjem nišama za kontejnere JKP d.o.o. Vareš.)

Komisija za statutarna pitanja i propise na 19. sjednici održanoj 23.02.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o povjeravanju na upravljanje i raspolaganjem nišama za kontejnere JKP d.o.o. Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolaganjem nišama za kontejnere JKP d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

Odluka o povjeravanju na upravljanje i raspolaganjem nišama za kontejnere JKP d.o.o. Vareš.

Ad.4.

(Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta priključnog 35 kV kabla u korist JP“Elektroprivreda BiH“ d.d. Sarajevo, Podružnica „Elektro distribucija“ Zenica.)

Komisija za statutarna pitanja i propise na 19. sjednici održanoj 23.02.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta priključnog 35 kV kabla u korist JP“Elektroprivreda BiH“ d.d. Sarajevo, Podružnica „Elektro distribucija“ Zenica, s tim da se dodaje član 4. koji glasi: „Ova Odluka stupa na snagu osmog dana od dana objavljivanja na oglasnoj tabli Općine Vareš.“ Prijedlog Odluke upućuje se Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o utvrđivanju javnog interesa za nepotpunu eksproprijaciju-ustanovljenjem služnosti u svrhu izgradnje elektroenergetskog objekta priključnog 35 kV kabla u korist JP“Elektroprivreda BiH“ d.d. Sarajevo, Podružnica „Elektro distribucija“ Zenica.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojena**

***Odluka o utvrđivanju javnog interesa za nepotpunu
eksprijaciju-ustanovljenjem služnosti u svrhu izgradnje
elektroenergetskog objekta priključnog 35 kV kabla u korist
JP“Elektroprivreda BiH“ d.d. Sarajevo, Podružnica „Elektrodistribucija“ Zenica.***

Ad.5.

*(Prijedlog Odluke o imenovanju povremenog
radnog tijela (Komisije) Općinskog vijeća Vareš.)*

Sekretar OV dao je dodatno pojašnjenje za ovu tačku dnevnog reda i predložio tehničku ispravku da se u **članu 2. riječ „imena“ zamijeni sa riječju „broj“.**

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o imenovanju povremenog radnog tijela (Komisije) Općinskog vijeća Vareš.

Nakon izjašnjavanja vijećnika predsjedavajuća OV konstatuje da je uz predloženu izmjenu **jednoglasno sa 17 glasova „ZA“ usvojena**

***Odluka o imenovanju povremenog
radnog tijela (Komisije) Općinskog vijeća Vareš.***

Ad.6.

*(Prijedlog Rješenja o razrješenju vršioca dužnosti predsjednika i članova Skupštine
a)Javnog preduzeća „Vareš-stan“ d.o.o Vareš
b)Javnog preduzeća „Veterinarska stanica“ d.o.o. Vareš)*

Sekretar OV dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju vršioca dužnosti predsjednika i članova Skupštine Javnog preduzeća „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

***Rješenje o razrješenju vršioca dužnosti predsjednika
i članova Skupštine Javnog preduzeća „Vareš-stan“ d.o.o. Vareš.***

Predsjedavajuća OV stavila je na izjašnjavanje Prijedlog Rješenja o razrješenju vršioca dužnosti predsjednika i članova Skupštine Javnog preduzeća „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

***Rješenje o razrješenju vršioca dužnosti predsjednika
i članova Skupštine Javnog preduzeća „Veterinarska stanica“ d.o.o. Vareš.***

Ad.7.

*(Prijedlog Rješenja o imenovanju vršioca dužnosti predsjednika i članova Skupštine
a) Javnog preduzeća „Vareš-stan“ d.o.o. Vareš
b) Javnog preduzeća „Veterinarska stanica“ d.o.o. Vareš)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju vršioca dužnosti predsjednika i članova Skupštine Javnog preduzeća „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

***Rješenje o imenovanju vršioca dužnosti predsjednika
i članova Skupštine Javnog preduzeća „Vareš-stan“ d.o.o. Vareš.***

Predsjedavajuća OV stavila je na izjašnjavanje Prijedlog Rješenja o imenovanju vršioca dužnosti predsjednika i članova Skupštine Javnog preduzeća „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojeno**

***Rješenje o imenovanju vršioca dužnosti predsjednika
i članova Skupštine Javnog preduzeća „Veterinarska stanica“ d.o.o. Vareš.***

Predsjedavajuća OV je na osnovu dodatnog pojašnjenja sekretara OV predložila i stavila na izjašnjavanje sljedeći

Zaključak:

- **Zadužuje se Stručna služba OV da za narednu sjednicu OV pripremi Prijedlog Odluke o izmjenama Odluke o visini naknade u organima upravljanja Javnih preduzeća i Javnih ustanova kojima je osnivač Općina Vareš.**
- **Zadužuje se Općinski načelnik i predsjedavajuća OV da predlože visinu naknade za predsjednike i članove u organima upravljanja Javnih ustanova i Javnih preduzeća.**

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojen predloženi Zaključak.**

Ad.8.

*(Izveštaj o realizaciji Odluke
općinskog fonda za vatrogastvo u 2022. godini.)*

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnica Amela Brkić postavila pitanje koje su procedure provjere hidranata u stambenim objektima, ko je nadležan za provjeru, o istom je dala pojašnjenje.

Pomoćnik načelnika Ibrahim Spahić dao je odgovor da je provjera hidranata i njihovo postavljanje u stambenim objektima u nadležnosti JP „Vareš-stan“ d.o.o. Vareš.

Zaključena je rasprava i predsjedavajuća OV stavila je na izjašnjavanje Izveštaj o realizaciji Odluke općinskog fonda za vatrogastvo u 2022. godini.

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“ usvojen**

***Izveštaj o realizaciji Odluke
općinskog fonda za vatrogastvo u 2022. godini.***

Ad.9.

*(Program rasporeda i utroška planiranih sredstava ostvarenih
po osnovu posebne naknade za zaštitu od prirodnih i drugih nesreća
namijenjenih za provođenje preventivnih mjera u 2023. godini.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Program rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2023. godini.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“ usvojen**

***Program rasporeda i utroška planiranih sredstava ostvarenih
po osnovu posebne naknade za zaštitu od prirodnih i drugih nesreća
namijenjenih za provođenje preventivnih mjera u 2023. godini.***

Ad.10.

(Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Emir Islamović (*postavio pitanje o tehničkoj opremljenosti vatrogasne jedinice u ljudskim resursima u skladu sa Pravilnikom o minimalno tehničkoj opremljenosti*) i Dario Dodik (*postavio pitanje na koji način se primaju novi uposlenici u vatrogasni vod, da li imaju starost koja je propisana Zakonom o vatrogastvu i da li imaju završene obuke*).

Pomoćnik načelnika Ibrahim Spahić u svom obraćanju dao je odgovore da PVJ Vareš posjeduje neki minimum tehničke opremljenosti sa zastarjelom opremom i da će nastojati poboljšati stanje u skladu sa finansijskim mogućnostima. Zapošljavanje se vrši na način da su primljene osobe na određeno vrijeme i sve su osposobljene jer su prvobitno bile u DVD.

U daljnjoj raspravi su učestvovali vijećnik Dario Dodik (*javio se za repliku i postavio dodatno pitanje u vezi korištenja vatrogasnog vozila u privatne svrhe*), pomoćnik načelnika Ibrahim Spahić (dao odgovor na postavljeno pitanje) i predsjedavajuća OV Mahira Brkić koja je izjavila da vijećnik Dario Dodik, ako nije zadovoljan datim odgovorom, može iskoristiti svoje vijećničko pravo i uputiti dopis/upit i tražiti dostavu podatka koji ga zanimaju za narednu sjednicu.

Zaključena je rasprava i predsjedavajuća OV konstatuje uz Zaključak da je **Vijeće primilo k znaju**

Informaciju o stanju opremljenosti Profesionalne vatrogasne jedinice Općine Vareš i DVD na području općine Vareš.

Ad.11.

(Informacija o epidemiološkom stanju i podacima pandemije COVID-19 na području općine Vareš u periodu od 01.01.-31.12.2022. godine.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informacija o epidemiološkom stanju i podacima pandemije COVID-19 na području općine Vareš u periodu od 01.01.-31.12.2022. godine.

Ad.12.

(Informacija o provođenju godišnjeg i srednjoročnog plana potencijalnih projekata po modelu javno-privatnog partnerstva na području općine Vareš za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o provođenju godišnjeg i srednjoročnog plana potencijalnih projekata po modelu javno-privatnog partnerstva na području općine Vareš za 2022. godinu.

Ad.13.

(Tekuća pitanja.)

Predsjedavajuća OV upoznala je prisutne sa pristiglom poštom i to:

1. Inicijativa za izmjenu i dopunu Odluke o radnom vremenu u određenim djelatnostima broj. 01-48/11 od 24.02.2011. godine, dostavljena od Night club „Konoba“ Vareš 13.02.2023. godine.

Predsjedavajuća OV upoznala je prisutne i sa Očitovanjem Službe za privredu, finansije i trezor po Inicijativi u kojoj su se očitovali da je pomenuta Odluka dovoljno precizna i adekvatna trenutnom stanju na području općine Vareš i da nema nikakve potrebe za njenim izmjenama.

Otvorena je rasprava u kojoj su svoja mišljenja i stavove iznijeli vijećnici: Dario Dodik, Mahira Brkić, Mario Mirčić, Amela Brkić, Maja Berberović i Emir Islamović.

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak:

- **Ne prihvata se Inicijativa za izmjene i dopune Odluke o radnom vremenu u određenim djelatnostima na području općine Vareš, koju je podnio Ivan Andrić vl. UR „Konoba“ Vareš od 13.02. 2023. godine.**
- **Općinsko vijeće Vareš, prihvata očitovanje Službe za privredu, finansije i trezor o Inicijativi iz tačke 1. ovog Zaključka, broj: 02/1-sl./23. od 21.02. 2023. godine.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je sa **13 glasova „ZA“, 2 glasa „PROTIV“ i 2 „SUZDRŽANA“ glasa usvojen predloženi Zaključak.**

2. Predsjedavajuća OV izvijestila je prisutne da je bilo određenih pritužbi OV i predsjedavajućoj, a sve zbog deponovanja materijala na Veovači od strane kompanije Eastern Mining. Predsjedavajuća OV upoznala je OV sa Očitovanjem kompanije Eastern Mining u kome su se očitovali da je urađeno čišćenje blata i mulja koje je nastalo uslijed saobraćanja kamiona na tom prostoru, te da je situacija dovedena pod kontrolu. Obećano je MZ Pržići da se materijal neće više deponovati na Veovači.

3. Vijećnik Šaban Ibrišimović uz dato pojašnjenje predložio je da Vijeće ovlasti Općinskog načelnika da iz budžeta Općine Vareš uplati novčanu pomoć (do 5.000,00 KM) na račun organizacije AFAD Turska u svrhu pomoći saniranja posljedica zemljotresa u Turskoj.

Predsjedavajuća OV upoznala je Vijeće na je na ovu temu razgovarala sa Općinskim načelnikom i da je izjavio da će ispoštovati svaku odluku koju donese Vijeće.

Predsjedavajuća OV stavila je na izjašnjavanje sljedeći

Zaključak:

- **Ovlašćuje se Općinski načelnik da može izvršiti uplatu novčanih sredstava iz budžeta Općine Vareš za 2023. godinu u iznosu od 5.000,00 KM u svrhu humanitarne pomoći građanima Turske, koji su pogođeni katastrofalnim zemljotresom.**
- **Sredstva iz tačke 1. ovog Zaključka uplatiti na račun organizacije AFAD-Turska.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“ usvojen predloženi Zaključak.**

4. Vijećnik Asmir Čizmo uz dato pojašnjenje zamolio je da se preko Općinskog vijeća uputi dopis, odnosno traži od kompanije Eastern Mining da se OV dostavi kompletna dokumentacija koja se odnosi na ekologiju (elaborati, studije i sl.- u elektronskoj i pisanoj formi).

Predsjedavajuća OV skrenula je pažnju da Vijeće ne može tražiti pojedinu dokumentaciju, pogotovo kad su u pitanju saglasnosti koje dolaze sa viših nivoa Vlasti, mogu se tražiti samo saglasnosti koje su eventualno iz nadležnosti Općinskog vijeća.

Predsjedavajuća OV sugerisala je da Stručna služba OV uputi Upit kompaniji Eastern Mining od strane vijećnika Asmira Čizme.

Sekretar OV zatražio je od vijećnika Asmira Čizme da Stručnoj službi dostavi u pisanoj formi konkretno koju dokumentaciju traži od kompanije kako bi Stručna služba OV dostavila Upit navedenoj kompaniji.

Predsjedavajuća OV u ime Općinskog vijeća i u svoje lično ime čestitala je svim prisutnim i svim građanima općine Vareš 1. Mart Dan nezavisnosti BiH.

Sastavni dio ovog Zapisnika je audio zapis sjednice.

Sjednica je završena u 16.10 sati.

SEKRETAR

Leon Pavlović

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić